

Na osnovu člana 209. stav 1. i člana 210. stav 1. Zakona Bosne i Hercegovine o izvršenju krivičnih sankcija, pritvora i drugih mjera - Prečišćeni tekst ("Službeni glasnik BiH", broj 12/10), ministar pravde Bosne i Hercegovine donosi

## **PRAVILNIK**

### **O IZMJENAMA I DOPUNAMA PRAVILNIKA O IZVRŠENJU MJERA SIGURNOSTI OBAVEZNOG PSIHIJATRIJSKOG LIJEČENJA I OBAVEZNOG LIJEČENJA OD OVISNOSTI U ZAVODU ZA IZVRŠENJE KRIVIČNIH SANKCIJA, PRITVORA I DRUGIH MJERA BOSNE I HERCEGOVINE**

#### Član 1.

U Pravilniku o izvršenju mjera sigurnosti obaveznog psihijatrijskog liječenja i obaveznog liječenja od ovisnosti u Zavodu za izvršenje krivičnih sankcija, pritvora i drugih mjera Bosne i Hercegovine ("Službeni glasnik BiH", broj 65/05), u članu 1. iza riječi "Bosne i Hercegovine (u daljnjem tekstu: Zavod)" dodaju se riječi: "odnosno u Javnoj ustanovi Zavod za forenzičku psihijatriju Sokolac (u daljnjem tekstu Zavod za forenzičku psihijatriju) ."

#### Član 2.

Član 2. mijenja se i glasi:

Izvršenje mjera sigurnosti obaveznog psihijatrijskog liječenja i obaveznog liječenja od ovisnosti izrečenih uz kaznu zatvora izvršavat će se u Zavodu za forenzičku psihijatriju.

U zavodu iz stava 1. ovog člana mjere sigurnosti će se izvršavati u posebnom specijalnom forenzičkom odjeljenju (u daljnjem tekstu: Odjeljenje).

U slučajevima kada su mjere sigurnosti izrečene uz uslovnu osudu, uslovnu osudu sa zaštitnim nadzorom ili uz rad za opće dobro na slobodi, mjere će se izvršavati u psihijatrijskim odjeljenjima opće zdravstvene ili bolničke ustanove mjesta prebivališta ili boravišta tako osuđenog lica.

Ukoliko prethodno prema mjestu prebivališta ili boravišta nije omogućeno liječenje u okviru primarne, bolničke ili druge specijalizovane zdravstvene zaštite, navedena lica se mogu uputiti u Zavod za forenzičku psihijatriju iz stava 1. ovog člana.

Uslovi smještaja, liječenja, boravka i čuvanja lica kojima je izrečena mjera sigurnosti ili druga mjera koja zahtijeva smještaj u Zavod za forenzičku psihijatriju iz stava 1. ovog člana, provodit će se u skladu sa odredbama Sporazuma o smještaju i naknadi troškova za izvršenje mjera sigurnosti izrečenih u krivičnom postupku i u drugom postupku u kojem se izriče mjera liječenja ("Službeni glasnik BiH", broj 89/09).

#### Član 3.

Iza člana 2. dodaju se novi članovi 2 a. i 2 b, koji glase:

"Član 2 a.

Izvršenje mjera sigurnosti prethodi izdržavanju kazne zatvora što znači da se prvo izvršava mjera sigurnosti.

Vrijeme provedeno u ustanovama za liječenje u vezi sa izvršenjem mjera sigurnosti uračunava se u izrečenu kaznu zatvora.

#### Član 2 b.

Za lica koja imaju manje psihičke poremećaje i koji ne potpadaju pod odredbe člana 2. ovog Pravilnika, zdravstvena služba u zavodu u kojem se izvršava kazna zatvora osigurat će psihijatrijski tretman svim zatvorenicima kojima je takav tretman potreban i posebnu pažnju će posvećivati spriječavanju izvršenja ili pokušaju samopovrijeđivanja ili suicida.

Za lica iz stava 1. ovog člana će biti na raspolaganju zatvorska bolnica u zavodu ili van zavoda ili posebna odjeljenja pod medicinskim nadzorom kao i drugi odgovarajući oblici zdravstvene zaštite u skladu sa Zakonom."

#### Član 4.

U članu 6. iza riječi "naredbi i uputstava", dodaju se riječi: "upravnika Zavoda,".

#### Član 5.

Iza člana 82. dodaje se novi član 82 a. koji glasi:

#### "Član 82 a.

Ukoliko je trajanje mjere sigurnosti u Zavodu za forenzičku psihijatriju ili drugoj specijaliziranoj ustanovi bilo kraće od izrečene kazne zatvora a osuđeniku nije odobren uslovni otpust, tada će sud vodeći računa o vremenu provedenom na liječenju, uspjehu liječenja osuđenog, njegovom trenutnom zdravstvenom stanju, vrsti i težini počinjenog krivičnog djela, posljedicama počinjenog krivičnog djela, dužini ostatka izrečene kazne zatvora kao i drugim opravdanim razlozima, a čije psihičko stanje dozvoljava boravak u zatvoru, dati ocjenu cjelishodnosti upućivanja osuđenog lica na izdržavanje preostalog dijela kazne u zavodu za izdržavanje kazne zatvora.

I u takvim slučajevima sud može razmotriti mogućnost da ovakva lica nastave izdržavanje preostalog dijela kazne zatvora u Zavodu za forenzičku psihijatriju."

#### Član 6.

Ovaj Pravilnik stupa na snagu 30 dana od dana objavljivanja u "Službenom glasniku BiH".

Broj 06-02-3-7316 /10  
28. juni 2010. godine  
Sarajevo

Ministar  
**Bariša Čolak**, s. r.